



Schmutz BadrÖn à la bon 2023



Soledurn het Strom


S'Stauwärk Gerlafinge vor em Konkurs
In Däredinge hyper tüür, dr Strom got us!
Nur ir Stadt Soledurn het me's im Griff
Bim Stromspare si die richtige Lampe dr Kniff
Drum het's ir Regierig kei helli Lüchte meh
Sid d'Stefi Ingoud präsiert im Stadtkomitee



Wiibli und Mändli

Du darfsch di fühlle aus das wo du gärn wetsch si
Aus Mändli, Wiibli, beides oder öppis zwüschedrii
Doch hesch es Problem wenn jetzt wotsch go aus Maa ufs Fraue-Kloo
Muesch zersch eine finge wo mit chunnt, dört duesch jo nid alei aastoo

Das mir nid säuber zeichne heit dir sicher scho usegfunge
Für das hei mir nämlich e Cousine in Brasile unge
Und s'Värsli schribe das chöi mir jetzt de au losij
Für das gits jo neuerdings dä TschättTschipiiti



Züghuus Spektakel

Sit däm Lockdown reise mer nid, si meh deheim
Vo uswärts chunt i d'Stadt au fasch keis Schwein
Um Soledurner hüt uf d'Stroos oder in äs Museum z'bringe
bruuchts Show mit Angscht und Schrecke, keis Hööflisinge
S'Züghuus het's tschegged und bietet äs Spektaku meh
Dört gits näb em Joggeli baud en ächte Gränchner z'gseh



Uftritt statt Abtritt

Dr Rotscher dä cha nümme, tritt ab mit Trääne
D'Queen die isch sogar scho im Nirvana ähne
Dr Ueli het kei Lust meh und hört uuf
Au em Zanetti geit är us, dr Schnuuf
Scho lenger wägg das isch dr Fluri Kurt
Nume eis Unchrut das bringsch nid furt
Aus neuschte Versuech so het me üs verzöut
Heig me für d'Krokus jetz e Grabstei ufgstöt





WM TRADITION

OBWOU DIE KATARI MILLIARDE HEI GHA ZUM INVESTIERE
HÄTSCH US DIVERSE GRÜND DIE WM CHÖNNE BOYKOTTIERE
KONSEQUÄNT GSI ISCH ABER NUR EI FUESSBAUNATION
DENN SFÄRNBLIBE VOR WM HET IN ITALIE TRADITION

Stereoid
Aus Kantonsarzt bisch schnäu duss, s'isch wie n'äs Camp im Tschungu
Dr Fenner isch ä Penner und für d'Hummu isch's zviu Rummu
Äs angers Kaliber is ch dr Sämi iff
Dr Dokter Pump isch ir Szene ä Begriff
Scho furt? Ajoh, mit Stereoid wärde haut nume d'Chleider enger
Nänti dr Sämi Ovo, de chönt är's nid besser, derfür vüu lenger



Ende Gut alles Gut

Mit dene Klimaaktivishte do chasch du öppis erläbe
Am Friti streike, dr räscht vor Wuche uf d'Stroos chläbe
Nüt schaffe und au nid flüüge oder autofahre
Arbeit bruucht Energie und die söusch jo spare
Doch für das bruuchsch jo au gar kei Motivation
Schliesslech göhrsch jetzt zur letschte Generation

Befeschigungstradition

Sowieso Befeschigungsaktione machte s'Vouk nid heiss
Im Gägesatz zu früecher interessiert niemer dä Scheiss
Damals het me Aktionishte, sogar wenn's het ghagglet
vor vüu Publikum traditionell an es Houzchrütz anä gnagglet



TV70

Im Lockdown do hätt me Zyt gha zum vüu Neus z'erfinde
Aber s'Färnseh bringt nidmou s'Aute zum verschwinde
Wetten dass..., Benissimo wie i de aute Zyte
Doch die Pandemie die het au ihri guete Site
Denn d'SRG verursacht bim Publikum chum me Fruscht
Sit Corona hei eh die meischte Gschmacksverlust



Hets irgendwelchi Frömdli oder Gränchner do?
De bitte mir Euch jetzt der Saau sofort z'verloh!
Denn die Kultur wo mir Euch tüe zelebriere
Dörfe mir nume no vor Iheimische präsentiere



TERMS AND CONDITIONS
1. GENERAL INFORMATION
2. ACCEPTANCE OF TERMS
3. PRIVACY POLICY
4. CONTACT INFORMATION
5. LEGAL NOTICE
6. DISPUTE RESOLUTION
7. FINAL PROVISIONS



§
1. GENERAL INFORMATION
2. ACCEPTANCE OF TERMS
3. PRIVACY POLICY
4. CONTACT INFORMATION
5. LEGAL NOTICE
6. DISPUTE RESOLUTION
7. FINAL PROVISIONS



Die Mitte
D'CeeVouPee isch jetzt au offiziell i d'Mitti grückt
Aber s'Ziel meh Gwicht und Stimme isch nid glückt
Gueti Rezápt si gfoigt wo jede einzelne zum Handle zwingt
Wie dr Primin, dä zeigt wie me die lahma Mitti zum Wachse bringt

